

АЗБУКА ВЕРЫ



Канон преподобному Нилу Сорскому

Молитвослов 2023

Канон преподобному Нилу Сорскому

Миняя, 7 Мая, Канон преподобного

Глас 4

Песнь 1

Ирмос: Отвѣрзу уста моя, / и наполнятся Духа, / и слово отрыгну Царице Матери, / и явлюся, светло торжествуя, / и воспою, радуясь, Той чудеса.

Припев:

Греховною тьмою покрываемь, / не могу ясно зрети к высоте исправлений твоих, отче, / но ты, яко сострадатель и милостив, / помози ми, возсиявая спасительный в души моей свет, / да пою, радуясь, светлая твоя исправления и преславная чудеса.

Припев:

Мысленный рай показался еси, отче, / произражая различных добродетелей цветы, / плоды красны своему Владыце принесл еси, / украсившему тя чудесы.

Припев:

Едину преступив заповедь, первозданный из рая изгнан бысть; / ты же, преподобне, заповедей Владычных соблюдением наследник сего показался еси, / древа животного наслаждаясь присно / и, в веселии чистаго сердца твоего зря Господа, / Божественнаго света Его причащешься.

Слава Отцу и Сыну и Святому Духу.

Неуклонно шествуя по стопам заповедей, / жезл силы, Крест Христов в руках держа, / в пристанище безстрастия достигл еси, отче, / тем и благодать приял еси целити недуги человеков / и преславная творити чудеса.

И ныне и присно и во веки веков. Аминь.

Богородичен: Ныне время помощи Твоея, Владычице, / призри милостивно на озлобление Твоего раба, Чистая, / подающи утешение мне, / яко да и аз воспою, радуясь, Божественная Твоя чудеса.

Песнь 3

Ирмос: Твоя песнословцы, Богородице, / живый и независтный источник, / лик себе совокупльшия, духовно утверди, / в Божественней Твоей славе / венцев славы сподоби.

Припев:

Не гордяся, дерзнух песнь приносить твоей священной памяти, отче, / но любовь твою движим, Боголюбезне, / прими убо сию от твоего раба / и ко Господу ходатайствы твоими спасения сподоби мя.

Припев:

Любовию ты чтущия, отче, спасай от бед и обстояний,/ в честней твоей памяти лик себе совокúпльшия,/ и колеблемыя ны страстей бурею утверди твоими мольбами/ и во пристанище спасения достигнути сподоби.

Припев:

Кто изречет твои подвиги, отче,/ и смирения твоего высоту кто скажет?/ Воистинну Христов ученик был еси, о Боголюбезне,/ и наследник Того Царствия./ Поминай убо чад твоих, отче, моляся Христу,/ да и нас части спасаемых сподобит.

Слава Отцу и Сыну и Святому Духу.

Неключим аз есмь и всячески непотребен/ и недоумею по достоянию воспети твою, яже к Богу, исправления,/ но, отче благосерде, любовь и веру приими/ и твоими священными ходатайствами спасения мя сподоби.

И ныне и присно и во веки веков. Аминь.

Богородичен: Недоумеет воистинну всяк язык человеческий/ достойно славословити Тя, о Владычице, по достоянию;/ аз же, невежеством и грехи многими одержим,/ что имам принести Тебе, Благая?/ обаче любовь и веру Твоего раба приими/ и спасения сподоби мя.

Седален, глас 4

Удивил еси, Владыко Христе,/ показав нам во отце нашем такового светильника:/ той бо, яко солнце, лучи чудес испущая,/ осиявает верных собрания и просвещает соборы монашествующих светлостью жительства./ Тем тому любезно воззовем:/ Богоносе и всеблаженне отче наш Ниле,/ моли Христа Бога грехов оставление даровати/ празднующим любовию всечестную память твою.

Слава Отцу и Сыну и Святому Духу, и ныне и присно и во веки веков. Аминь.

Богородичен: Удивишася, Чистая, вси Ангелов чины и человеческая множества/ таинству Твоего рождения странному:/ како бо Неискусомужная Млекопитательница еси/ и держиши на руку Твоею Питающего всю тварь и Содержащаго./ Темже вопием Ти:/ Богородице Приснодево, моли Сына Твоего грехов оставление даровати/ верою поклоняющимся пресвятому рождеству Твоему.

Песнь 4

Ирмос: Седяй в Славе на Престоле Божества/ во облаце легце,/ прииде Иисус Пребожественный/ Нетленною Дланию и спасе зовущия:/ слава, Христе, силе Твоей.

Припев:

Низвергл еси вся вражия, отче, ополчения,/ стой бодренно на стражи внимания/ и издалеча предзря сих коварныя сети,/ молитвою же и постом безбедно прелетая, победительно пел еси:/ слава, Христе, силе Твоей.

Припев:

Всегда во уме имея страдания Спаса нашего и вольное на Кресте распятие,/ сраспялся еси Тому умерщвлением плоти, преподобне,/ и, Того Божественною любовью уязвив твое сердце, Боголюбезне,/ показался еси умиления источник, слезоточа присно и поя:/ слава, Христе, благоутробному низхождению Твоему.

Припев:

Христовою уязвлен любовью,/ слезныя токи непрестанно из очес изливал еси, Ниле, отче наш приснопамятне,/ и в пустыни, яко в рай, водворяйся,/ непрестанныя приносил еси молитвы, поя присно:/ слава, Христе, силе Твоей.

Слава Отцу и Сыну и Святому Духу.

Увы, коликим нечувствием содержим есмь, окаянный аз:/ ни смерти боюсь, ни страшного судища трепещу,/ всякому злу повинен сый./ Но, о душе всестрастная,/ поне отныне воспрями в покаянии, Христу зовущи:/ Твоего ради угодника Нила, пощади мя, Спасе,/ и исправи стопы моя, Владыко, всемогущею силою Твоею.

И ныне и присно и во веки веков. Аминь.

Богородичен: Богородице Дево, христиан всех всенадежное упование,/ спаси мя, отчаяннаго, о Мати Милосердая,/ оживи душею умершаго, Жизнь всех рождающая;/ Живоносный Источниче, напои мя умиления водами,/ знобем страстей люте опаляемаго,/ да, покаяния слезами прохлаждаемь, благодарно воззову:/ слава, Владычице, всемогущей силе Твоей.

Песнь 5

Ирмос: Ужасошася всяческая/ о Божественной славе Твоей:/ Ты бо, Неискусобрачная Дево,/ имела еси во утробе над всеми Бога/ и родила еси Безлетнаго Сына,/ всем воспевающим Тя/ мир подавающая./

Припев:

Отцев древних Святыя Горы житию подражая,/ Богоносе отче наш, Ниле приснопамятне,/ во отишие пустыннаго безмолвия потекл еси, радуйся,/ и, тамо во смирении плоды принося духа,/ по премногу благоугодил еси славою чудес тя Обогатившему.

Припев:

Господни заповеди исполняя,/ кроток и незлобив, отче, был еси,/ смирен и прост, и во всех добродетелех благоискусен,/ тем и Святаго Духа орган явился еси, премудре,/ научая и вразумляя чада твоя достойно ходити во след Христу,/ во смирении Тому служащим, спасение подающего.

Припев:

Ныне, преподобне, приемля на Небесех почести трудов твоих,/ не забуди нас, твой праздник радостно празднующих,/ но испроси грехов разрешение, молящи Христа,/ прославльших Его славающим, спасение подающего.

Слава Отцу и Сыну и Святому Духу.

Облеклся еси во Христа, Богомудре, безстрастия одеждою украсився,/ сострадателен и

милостив, отче, был еси согрешающим,/ смиренномудро поучая и возбуждая к покаянию и ко Христу приводя,/ всем, во смирении просящим, спасение подающему.

И ныне и присно и во веки веков. Аминь.

Богородичен: Одеждою студа облекохся окаянный аз,/ совлечен боготканная, юже во Крещении приях, одежды, о Дево Всенепорочная!/ Но молю Тя, Всемилостивая,/ во одежду мя спасения паки облекй,/ да достоин буду брака Агнча,/ Емуже от чистых кровей Твоих багряницу плоти исткала еси,/ всем, воспевающим Тя, спасение подающему.

Песнь 6

Ирмос: Божественное сие и всечестное/ совершающе празднество,/ Богомудрии, Богоматере,/ приидите, руками восплещим,/ от Нея рождшагося Бога славим.

Припев:

С лики святых в Небесных ныне водворяяся селениях, о Ниле Богоносе,/ и со дерзновением предстоя Пресвятей Троице,/ нас, твоих чад, не забуди, отче,/ но испроси грехов разрешение твой праздник радостно празднующим,/ да благодарно тя прославльшаго Бога славим.

Припев:

Новый благодетный в Российской земли источник явился еси, Богоносе,/ струи исцелений изливая от святого твоего гроба/ верою несумненною притекающим к тебе, Ниле, отче наш,/ мы же, веселия исполняеми, тя прославляющего Бога славим.

Припев:

Усердно от юности твоя даже до честного преставления/ совестью чистою Христу послужил еси, преподобне,/ Того храня Божественны заповеди,/ нестяжанием бо и нищетою себе оградив,/ на камени терпения твоя стопы, мудре, утвердил еси, Ниле, отче наш.

Слава Отцу и Сыну и Святому Духу.

Многая твоя, о, отче, исправления и яже в Бозе труды и подвиги твоя,/ пощение и бдение, долу легания и злострадания,/ нищету и совершенное нестяжание кто изреши возможет?/ Воистинну бо истинен монах показался еси, Боголюбезне,/ тем и мы, любезно твою память чтуще, тя укрепльшаго Бога славим.

И ныне и присно и во веки веков. Аминь.

Богородичен: Утроба Твоя, о Дево Пренепорочная, пространнейшая небес показася,/ вместившая Невместимаго Бога./ О, преславных вещей!/ О, непостижимаго Ангелом и человеком, на Тебе совершившагося таинства!/ Тем Тя, Богородицу, воистинну исповедающе,/ от Тебе рождшагося Бога славим.

Кондак, глас 8

Любве ради Христовы удалився мирских смущений,/ радостною душею вселился еси в пустыни,/ в нейже подвизався добре,/ яко Ангел на земли, отче Ниле, пожил еси:/ бдением бо и постом тело свое изнурил еси вечны ради жизни./ Еяже ныне сподобився,/ во свете неизреченных радости Пресвятей Троице со святыми предстоя,/ моли, молимтися,

припадающе, чада твоя,/ сохранится нам от всякаго навета и злых обстояний/ видимых и невидимых враг/ и спастися душам нашим.

Икос

Ангельскому поревновав житию и великим во отцех подобяся,/ всего себе отрешил еси мирскаго сплетения,/ к подвигам же постничества мужески вооружився,/ опасно путем Божиих заповедей шествовал еси, блаженне./ Темже и мы, верно чтущии твою священную память,/ похвалами убожаем тя сими:/ радуйся, ангельскаго жития подражателю;/ радуйся, древних великих отец житию преемниче./ Радуйся, невидимых врагов мужественный победителю;/ радуйся, заповедей Божиих хранителю усердный./ Радуйся, отеческих Богодухновенных преданий опасный ревнителю;/ радуйся, монашескаго постническаго жительства законоположителю./ Радуйся, добродетелей чистейшее зеркало;/ радуйся, Духа Святаго сладкогласный орган./ Радуйся, образе глубокаго смирения;/ радуйся, ревностный исполнитель Божественных делетей./ Радуйся, яко тобою научихомся непрелестным путем жития ходити;/ радуйся, яко твоим за ны ходатайством спасение получитьи надеемся./ Радуйся, Ниле чудотворче, отче наш.

Песнь 7

Ирмос: Не послужиша твари Богомудрии/ паче Создавшаго,/ но, огненное прещение мужески поправше,/ радовахуся, поюще:/ препетый отец Господь и Бог, благословен еси.

Припев:

Песнь препросту усердно приношу ти, отче:/ прими убо сию от недостойнаго/ и не возгнушайся мене, паче всех грешнейшаго, о преблаженне,/ но, милостивно преклонься, спасение улучшить твоим представтельством сподоби,/ да, радуяся, пою:/ препетый отец Господи и Боже, благословен еси.

Припев:

Един с единым Богом непрестанно беседовал еси, отче,/ чистыя молитвы чистым и немятужным умом Тому принося/ и совестию чистою, о Богомудре,/ от деяния бо к видению востек, весь боговиден содеялся еси, блаженне, присно поя:/ препетый отец Господи и Боже, благословен еси.

Припев:

Плодоносен сад показался еси, отче, приносящ плоды духа,/ любве бо и радости преисполнен был еси,/ мира, долготерпения, кротости и воздержания,/ и, яко Христов воистинну, плоть распиная со страстьми и похотьми, и присно поя:/ препетый отец Господи и Боже, благословен еси.

Слава Отцу и Сыну и Святому Духу.

Не мудростию, но любовью тебе поющаго прими, о отче,/ и, светосиянную твою молитвою забвения и неведения тьму разгнав,/ помози ми вопити присно:/ препетый отец Господи и Боже, благословен еси.

И ныне и присно и во веки веков. Аминь.

Богородичен: Под кров Твой, Владычице, прибегающего не отрини,/ но, яко Всемилостивая,

спасі убогаго раба Твоего,/ от безмёрных согрешений моих избавляючи мя, да, радуясь, пою:/ препетаго отцев Господа и Бога Мати, во веки благословенна еси.

Песнь 8

Ирмос: Отроки благочестивыя в пещи/ Рождество Богородичо спасло есть;/ тогда убо образуемое,/ ныне же действующее,/ вселенную всю воздвизает пети Тебе:/ Господа пойте, дела,/ и превозносите Его во вся веки.

Припев:

Отче наш Ниле приснопамятне,/ красно и добро воистинну житие препроводил еси, о Боголюбезне:/ мирския бо молвы избежав и в пустыню уединився,/ скорби постныя сеял еси со слезами,/ но ныне, радуясь, жнешь присноживотия класы.

Припев:

Единому тайная ведущему Богу втайне поработал еси, отче,/ во смирении проходя добродетелей поприще, о блаженне,/ по преставлении же твоём явлен и светел еси чудесы, пети воздвизая верныя:/ Господа пойте, дела, и превозносите Его во вся веки.

Слава Отцу и Сыну и Святому Духу.

Божественною благодатию, сущю в тебе,/ источаеши исцеления и прогоняеши дүхи лукавствия/ от приходящих к тебе верно, Ниле всеблаженне./ Тем и мы любезно чтим твою всесвященную память, весело поюще:/ Господа пойте, дела, и превозносите Его во вся веки.

И ныне и присно и во веки веков. Аминь.

Богородичен: Услыши, Владычице, болезненное вздыхание Твоего раба,/ разрешивши вериги моих согрешений,/ печаль на радость преложи и болезни премени вскоре,/ да, радуясь, пою Тя, Дево,/ и превозношу, Чистая, во вся веки.

Песнь 9

Ирмос: Всяк земнородный/ да възиграется, Духом просвещаемь,/ да торжествует же Безплотных умов естество,/ почитающее священное торжество Богоматере,/ и да вопиет:/ радуйся, Всеблаженная Богородице,/ Чистая Приснодево.

Припев:

Пресветел светильник отечеству твоему явился еси, преподобне,/ осиявая светлостью твоею жительства наша и чудес сияньми,/ имиже по преставлении твоём прославился еси, о блаженне./ Тем, твою светоносную память чтуще,/ Христа славим, светло ты прославляющего.

Припев:

Егда краснии твои нозе, добре по спасения пути текшия,/ на одре смертном простерл еси, блаженне,/ тогда ученицы твои, слезы точаще, глаголаху:/ камо отходиши, пастырю наш,/ и кому оставляеши чада твоя, отче,/ ихже духовне породив, воспитал еси млеко́м твоего мудраго наставления?

Припев:

Плачем моея радости не растворяйте, о чада, -/ ты рекл еси им, о Богоблаженне, -/ аз бо, веселяся, отхожду прияти венец правды,/ егже обеща Христос Того любящим,/ идеже и вы потщитесь постигнути, соблюдше Того, вкупе и моя заповеди.

Приве:

Да восплачет вкупе с нами пустыня сия, о отче,/ аще бо и процветет, яко крин,/ красующися богоугодным жителем твоим,/ но не имея по тебе добраго делателя,/ терние и волчец иматъ возрастити./ Обаче не остави посещати стадо твое, отче,/ и сам ты упаси тебе величующия.

Слава Отцу и Сыну и Святому Духу.

Не забуди и ныне нас, обитающих на месте твоего трудового жительства,/ о Ниле Богосе, отче наш,/ и песнь усердно тебе приносящим ходатайствуй спасение:/ ты бо, о всеблаженне, молитвенника и предстателя ко Господу стяжавше,/ надежды да не отщетимся²⁶, верно ты чтущий.

И ныне и присно и во веки веков. Аминь.

Богородичен: Одеждою спасения одей мя,/ о всенадежное спасения моего упование, Мати Божия,/ на Тебе надеюся, Всемилостивая:/ сокровищница бо еси милости и вся спасаеши, к Тебе прибегающия./ Спаси убо и мене, отчаяннаго, да благодарно пою:/ радуйся, Всеблаженная Богородице, Чистая Приснодево.

Светилен

Подвиги твоими, о Богоблаженне, удивил еси Ангелы и человеки,/ Бога же возвеселил еси,/ тем ты чтим верно, твою торжествующе память,/ Ниле Богосе, отче наш.

Слава Отцу и Сыну и Святому Духу, и ныне и присно и во веки веков. Аминь.

Богородичен: Величия Твоя, о Дево и Богородице Чистая,/ превосходят всякое человек разумение,/ обаче дерзаем, брэннии, любезно Теб⁰⁴³⁵ вопити:/ радуйся, Ангелом и человеком превозделенная Радосте.